

蘇魏公文集七十二卷

宋蘇頌撰

清抄本

二十四冊

共撮3卷

①序至卷31.


②卷32至卷63.

③卷64至卷72.

接前片卷

书 号 7656

本片卷含 卷32~卷63



蘇魏公文集卷三十二



外制

右諫議大夫知制誥宋敏求

依前知制誥

守本官差遣如故

權三司戶部判官尚書司勳員外郎李立之可

之書置職南學

主客郎中

左驥驥使劉斌可皇城使

皇侄左千牛衛將軍令諶可右監門衛大將軍

尚書祠部員外郎充秘閣校理鄭雍可度支員

外郎

鄉貢進士葉祖洽可大理評事簽書奉國君

軍節度判官廳公事

太常博士充秘閣校理安燾可祠部員外郎

駕部員外郎田瑋等改官

都官員外郎新差叔焱遣江南西道提點諸

州軍刑獄公事張頡可職方員外郎餘如

故

屯田郎中蘇泳等改官

都官郎中王力可職方郎中

比部員外郎刁綬俞士龍可並駕部員外郎

都官員外郎充廣綾軍王申王院教授郭源

中可職方員外郎餘如故

虞部員外郎程莊可比部員外郎

大理寺評事章望之可光祿寺丞致仕

前守惠州歸善縣主簿充國子監直講盧侗

可衛尉寺丞

試秘書省校書郎和州防禦推官充國子監

直講崔公度可試大理評事元彰德軍節度
推官

大理寺丞文大同可右贊善大夫

右贊善大夫朱溫其可殿中丞

奏舉人試大理評事前叔信州軍事推官呂昌

壽等改官

皇侄前金紫光祿大夫右監門率府率士臬可

旧官服闋

皇后生日奏親堂并國子博士向綽可檢校工

部尚書充內園使

內園使知欽州石鑑可南作坊使令再任六宅

使知邕州陶敏可左麒麟使令再任

六宅副使張息可內藏庫副使

文思副使刘昌孫可左驍衛將軍致仕

內殿承制樊德成可左屯衛將軍致仕

殿中省尚藥奉御直翰林医官院張士禹可殿

中省尚藥奉御充翰林醫官副使

內殿崇班趙永圖可旧官服闋

奏舉人前京兆府乾佑縣令趙全等改著作郎
奏舉人試秘書省校書郎守宣州司理叅軍王
醇可著作佐郎

奏舉人前鳳州梁泉縣令張延年等改官
試秘書省校書郎守河南府法曹叅軍充魯王

宮小學教授王祁可大理寺丞
奏舉人前彬州高亭縣令邢太上等改官

前定州觀察推官常宗仁可衛尉寺丞
秘書省校書郎守唐州泌陽縣令兼管勾溝河

道朱紘可大理寺丞餘如故

蕃落軍都指揮使馬忠等換內殿承制

西頭供奉官梁歲可右清道衛率府副率致仕

右侍禁于用和可右清道衛率府副率致仕

右侍禁郭懷慶可右清道衛率府副率致仕

左僕射兼門下侍郎平章事魯公亮奏匡人錢

惟可試國子四門助教不理選限

楚國大長公主過南郊奏駙馬都尉李瑋祖宅
門容廣文館進士許概可試將作監主簿不

理選限

太子少師致仕趙概奏匡人張琬可試國子四門助教不理選限

光祿卿潘軫遺表男綬可試秘書郎

兵部員外郎元元宝文閣待制知相州傅祐遺

表男回次男同可並守將作監主簿令持服

選官勒停人鄭叔熊可試國子四門助教不理

選限

太常少卿致仕謝檢孫延年可試監主簿

守濮州文學尹靈晦可曹州文學

翰林醫學守應州全城縣主簿溫杲母梁氏可

特對長壽縣太君

都水監餘料後行蒲士龙可孟州司馬

故知溪洞新遠州軍州事思憲利長男洪祐可

依前知溪洞新遠州軍州事

溪洞高州四甲巡檢田洪祐弟洪保承兄官

麟州兀縣羅族子弟屈德可銀酒監武元本族

副軍都主

蘇魏公文集卷三十二

一右諫議大夫知制誥宋敏求依所乞落知制

誥守本官差遣如故

勅夫代言詞禁抗論諫垣皆侍從之榮途本才髦之
選零苒堅辭職之請靡勞遠直之勤特徇雅懷俾原
近秩以尔具官某學窮墳索世掌絲綸三朝松文史
之華兩植著猷為之美朝廷命令久預于演裁臺閣
規模兼推于練達忽告眊昏之苦願還翰墨之司再
控封章備形懇至姑就七臣之列仍專衆職之臨噫

去劇即閑既从于尔欲待其優礼当体于予衷勉思
埤政之模式副疇咨之渥可

權三司戶部判官尚書司勳員外郎李立之
可主客郎中

勅具官某今之由尚書郎為三司佐屬其選重矣非
有積累之資明著之效則豈稱其官使哉以尔清白
承家廉方為吏名登華省治有顯聞曩丞水官能勤
于彰導移戩計部善析于貨財課在有司法当廷秩
擢正客曹之列仍戶班之員應茲茂益念孜成效

可

左驥驥使刘斌可皇城使

勅具官某諸司置使秩有等差而皇城為東班之首
非夫歷任綿久材用章著安能陟級而致榮階以尔
沉敏之資幹力之效擢于勇爵寔在朝聯累歲有勞
中樞校課当叙廷于官列俾陞冠于史華祇膺優异
之恩久念始終之節可

皇侄左千牛衛將軍令諶可右監門衛大將

單

勅羣臣考陟之法。近則四年。遠或六年。輒迁一官。見
為大比。至于宗室。則以十歲為定。蓋超歷階。叙不與
外庭比。故不得不積其歲月。而養其才。質也。以尔
其官。某承襲慶美。本乎天潢。生如孝恭。長受冠祿。能
循保氏之教。不忘為善之樂。今宗正言尔服官滿歲。
由環衛而陞大將。可謂峻廷矣。以命尔。抑用前詔。
尔其夙夜。匪懈。內奉朝請。外遵家政。則可以遠于悔
尤。而守其祿位也。可。

尚書祠部員外郎充秘閣校理鄭雍可度支

員外郎

勅具官某。秘書函籍之府。非博學洽聞之才。未嘗預
校文之列。郎官清要之司。非通明敏識之士。未嘗在
承務之員。二者兼榮。斯謂優異。以尔詞科甲選。治狀
最稱。擢實書林。荐游華省。有司上累年之課。官闕。稔
聞南宮。叙左曹之職。支度尤貴。用增尔秩。俾疇厥勤。
更思善職之謀。以副類能之奉。可。

鄉貢進士某。祖洽。可大理評事。簽書奉國軍

節度判官廳公事

勅某朕遵累聖之成謨復三年之選士俯臨便坐親
策諸生爰擢敏才寘之上第以尔士卿特起貢部陞
名才領矩步以來庭大對危言而應問嘉乃博通之
習用推優異之恩棘寺評刑超登于仕籍海藩佐幕
往蒞于政經无忘學古之規式副優儒之舉可

太常博士充秘閣校理安燾可祠部員外郎
勅具官某夫校文天祿方登博洽之才承務南宮是
為清要之選爰疇善哉叙進榮班以尔典學清修決
科高妙試之藩府則外臺称從事之美擢于奉常則

有司言礼官之最因第勞于歲課宜陞采于氷所益
思講緯之勤用副咨詢之舉可

駕部員外郎田璘等改官

勅某官國朝之制自諸司四品暨尚書郎卿寺丞皆屬
委之審官考核其美否茲群萃而序廷十常慮其杂
選然勞陞而過黜時亦以為遴與其進者厥惟艰哉
惟尔之材能強辨有司銓序之盖已久矣姑用四載
之最稍擢二官之榮勉收後勤副我明陟可

都官員外郎新差权蕞遣江南西路提点諸

州軍刑獄公事張頡可朕方員外郎餘如
故

勅某朕閱朝士之籍擇其有聞于時者試之以煩劇
之務內則臺省之僚列外則急漕之事權績用既彰
褒擢何吝以尔文雅沉厚士林所稱幹办精明吏課
連最方且委之一道案讞之重而又及乎四載計比
之期宜增秩于清郎亦甄勞于久次若其奉使之稱
朕治獄之平反則朝有顯榮邑限常格尔其勉懋副
朕疇咨可

屯田郎中蘇泳等改官

勅具官某尚書侍郎其品惟五第古号为清要在
今得以叙廷稽其朕儀是謂通顯以尔更資官闕計
比惟優朝著省闈踐歷滋久擢進為星之位漸陞為
党之階往其欽承毋怠守官可

都官郎中王立可朕方郎中

勅某夫承務郎官南出使近服皆朝廷之優選而任
進之榮途屬奏歲用勞推息陟以尔士科擢秀郎省
馳声試以治煩載嘉政事之敏委之漕督益懋將輸

之程姑循校課之常稍進掌圖之秩宜收後最以副甄揚可

比部員外郎刁綬俞士扈可並駕部員外郎勅具官某尚書郎官皆有副貳視其曹務之閑劇以為爵馭之奇差限年而廷蓋有息格以尔能勤職業休有幹祿履歷周行綿更歲次如由吏課之最叙進省闈之聯往承渥恩益勵素守可

都官員外郎元廣陵郡王申王院教授郭源中可職方員外郎餘如故

勅具官某南宮為郎其選尤美有司校課限年乃廷自非積闕之優靡預類能之擢以尔清門馨美仕歷朝闈近著荐才職居宗師頗聞善海之益且懋宿官之勞宜即省闈進榮班等祇欽甄序之渥无怠誦論之功可

虞部員外郎程莊可比部員外郎

勅某尚書員外郎自唐以來号为清要今雖不蒞省事願其榮秩不减平時考課而廷是日優命以尔吏資之敏久試外官歲月之勞荐登優格矧已更于華

著宜進秩于通班祇膺加等之恩益念匪躬之節可

大理寺評事章望之可先祿仕丞致仕

勅具官某通古今之擅學休要之文命屈當年任沈
下列志不櫻于簪組心自適于江湖思命屢頒輒遜
辭于榮進懇誠再露祈退就于燕休守臣為言高風
可尚優進膳丞之秩俾从鄉閭之居祇欽寵章益保
冲粹可

前守惠州归善縣主簿充國子監直講盧侗

可衛尉寺丞

勅具官某尔以經術名家礼闈奏技勾稽南服外臺
稱其廉平講訓上庠諸生服其行誼姑用年勤之久
叙陞卿屬之華尚倚師儒使自費叙其益思于循誘
冀有助于化成祇欽寵章克終壽問可

試秘書省校校書郎和州防禦推官充國子

監直講崔公度可試大理評事克彰德軍

節度推官

勅具官某學傳多文見推士論韜光蘊行自樂邱園
向从特起之家求且預上庠之台屬辭親養靡應命

書逮喪紀之既終闋荐章之交至惟其才諳宜有甄
褒俾从事于方州游觀能于幕畫勉思致用副我擢
賢可

大理寺丞文大同可右贊善大夫

勅某令夫仕者既通籍于朝闈東宮與上臺班品雖
异而推選之遊近次實均以尔席慶高門隸官鄉寺
分釐外局休有能声比最攸司甫應恩格擢聯宮贊
之秩漸階省闈之榮益懋來勤佇收遠績可

右贊善大夫朱温其可殿中丞

勅具官某天下之獄爰于刑曹設官置叅其責均重
闕茲校課之美宜有旌能之思以尔仕以經明進聯
朝廷再膺詳猷之荐屢告平反之言姑用吏勞擢登
膺省宜益思于明慎佇顯副于甄揚可

奏舉人試大理評事前敕信州軍事推官呂

昌壽等改官

勅某令之銓選之法至為詳密以歲課勞其校勤以
荐章視其操守二者備矣然後叙廷美秩榮資由此
階漸唯尔闕闕咸應于茲俾陟京臺之聯益固吏治

之效可

皇侄前金紫光祿大夫右監門率府率士臬
可旧官服闋

勅執親之喪鉅創何已順禮之變再期則除身予近
宗動稟成訓屬居庠之終制多引籍以承恩以尔具
官某茂公族之華陟朝闈之叙哀麻去位既畢于哀
情箝紱还臺宜陞于顯列復踐儲坊之秩入崇拱著
之趨勉荷徽章采勤素守可

皇后生日奏親堂叔国子博士向綽可檢校

工部尚書充内園使

勅具官某内朝諸司並置使領參擇才武入備禁扃
由文吏而对廷非親勲而莫允矧中宮之尊党投誕
日之慶條式推渙恩抑有白比以尔綽席公卿之餘
緒仕闈著之通班夙富吏資善守門法屢試治煩之
務見推幹裕之能陞使諸聯示以優寵非特私于近
戚盖亦用于美材勉勤功名乃副甄擢可

内園使知欽州石鑑可南作坊使令再任六
宅使知邕州陶徽可左驍驍使令再任

勅嶠南諸州搃于夷境者邕為會府而欽當要衝帥
守之臣其選差重以尔其官陶敏握武緣之節馭邊
有方以尔其官石鑑析羅山之符撫俗尤善而皆文
敏自喜才資益優眷彼吏民才安于政迹表其治行
咸進于使聯且重留于白邦俾克終于美課宜究綏
懷之略用光獎擢之恩毋憚遠思遂系前績可

六宅副使張思可內藏庫副使

勅其官某內司列使之榮並置副介增秩叙迁之法
咸有尋差爰擇武材庸備官制以尔策名勇爵服采

禁廷頌彰幹戢之勤且懋歷年之最宜疇美課躡進
崇資往欽甄异之恩益盡忠勞之報可

文思副使刘昌孫可左驍衛將軍致仕

勅其官某夫仕或為祿貴夫逮親與士大夫之所美
也尔居武弁能蹈斯言以偏堂之老年祈謝事而就
養是可嘉尚所宜顯褒擢于環衛之班俾從家居之
佚遂尔素志嘉茲寵榮可

內殿承制樊德成可左屯衛將軍致仕

勅其官某傳日陳力就列不能者止此為臣之大方

也尔早任武階繇更外使自陳力疾之苦难效当官之勞願去班職良加止足寵以環宮之衛俾安里閭之居祇服恩榮遂諧順適可

殿中省尚藥奉御直翰林医官院張士高可

殿中省尚藥奉御充翰林医官副使

勅具官某周官醫師掌医之政令以事制祿十全為上視功進等厥惟旧哉以尔执技精通居官勤恪擢在上方之直榮參内朝著之朝屬我諸姑近嬰綿痼言尔診調之效願疇处齊之良陞諸使聯用獎能事

宜悉心于遠術思報效于殊恩可

内殿崇班趙永喬可旧官服闋

勅具官某尔列職禁廷早耘恪勤之禮服喪至室已終縞禫之期宜擇素冠起还旧著内朝之籍班等惟優勉遵移孝之才無怠首公之志可

奏舉人前大名府留守推官試大理評事謝

宗孟等改著作佐郎大理寺丞

勅具官某等秘書大理之屬官前世為文章法律之選今銓管之士考課來上視其資歷得以叙廷尔等

咸以為吏之勞从外臺之荐俾之佐著作丞卿寺所以廣擢才之路也膺茲並命各念首公可

奏舉人前京地府乾祐縣令趙全等改著作

郎

勅具官某麟臺著作古稱文雅之選天官考課今為進擢之階以尔詞學決科庶勤任事校其年最甫應陟書俾廷京省之聯用獎吏能之美玉欽恩典益勵操修可

奏舉人試秘書省校書郎前守宣州司理恭

軍王醇可著作佐郎

勅具官某有唐吏部以四才三實選拔矣能令之銓衡略用此制而又峻以考格責之荐章一不應條未嘗進擢唯尔之器質才諳有司之校詳矣庶明勤办外臺稱之備矣引對便坐審察其才陞列秘邱之聯將觀幹劇之用益懋乃事副茲寵恩可

奏舉人前鳳州梁泉縣令張延年等改官

勅具官某中銓考課之法以才實為差別臺荐籍之章以幹庶為重進人之路辨等尤難以尔夙富吏資

久任州縣校其年宦應乃陟書叙廷卿屬之華以顯
宿官之效服我休寵无忘後勤可

試秘書省校書郎守河南府法曹參軍充魯

王宮小學教授王祁可大理寺丞

勅具官某朕惟宗室子孫之衆欲其通知于道菴故
擇儒雅之士為之講導以輔成其性質尔以經行修
明來預茲選服朕累歲其勤至矣擢陞卿寺之屬乃
寘官府之員茂對殊私益思惠訓可

奏舉人前柳州高亭縣令邢太上等改官

御名

勅某今天下郡縣之廣吏員之重非責之荐者則
才勞之士何由而自達耶以尔早从銓集外有吏能
善狀可稱交章押至宜既久朕之慈擢列上臺之官
祇服恩榮采勳治績可

前定州觀察推官常宗仁可衛尉寺丞

勅某朕念夫銓選之才士叙進惟艰親程其能務收
厥善雖有細故而不弃遺尔歷仕有年書考十五外官
稱荐其勞可加特示甄陞寘之京寺膺茲優异之典
無懈終始之勤可

秘書省校書郎守唐州泌陽縣令兼管勾溝

河道朱紘可大理寺丞餘如故

勅某夫農田者生民之本也川澤者農田之資也而當官之人常患不能為之勸導使民棄本而趨末者衆矣尔居邑令能志于茲修復故渠為利旁境計臣言狀請酌以官因擢九卿之丞俾仍百里之宰往膺明命善抚吾民益懋前勞乃祿甄冠可

蕃落軍都指揮使馬忠等換內殿承制

勅某以拳勇聞于边疆以勤良備于軍校為犇首之

所向加技擊之尤精帥賂為言便庭親試載閱武才之敏擢躋殿著之華閨籍聯榮恩不次當益固于忠蓋在勉懋于勲庸可

西頭供奉官梁錢可右清道率府副率致仕

勅某七十致仕古之常也尔年未至而願歸休加其退讓之誠宜有褒廷之渥儲坊散秩俾遂家居祇服恩章往安閭里可

右侍禁于用和可左清道率府副率致仕

勅某早以吏勤擢陞班列逮茲齒耄願謝官聯良加

卷三十二

六

应为19



知止之心俾遂歸休之佚儲坊美秩里閑安居住祇服于明恩足為榮于晚節可

右侍禁郭懷慶可右清道率府副率致仕

勅具官某七十致仕禮經之訓也尔不待年卒以疾自言閔筋力之既衰豈簪裳之可強陞以東儲之秩俾為居里之榮祇服恩私足慰遲暮可

左僕射兼門下侍郎平章事曾公亮奏匡人

謝維可試國子四門助教不理選限

勅某尔傳習上池之技善識五藥之宜嘉勤事于相

門尚未霑于任版奏章來既恩典有常往膺一命之榮策尽十全之效可

楚國大長公主遇南郊奏駙馬都尉李瑋祖

宅門客廣文館進士許概可試作監主簿

不理選限

勅具官某早隸上庠荐游主第屬品司之有請援郊慶之推恩言尔多文且祈筮仕俾應試秩之命用疇肄業之勤祇服宠私勿忘修飭可

太子少師致仕趙梁可奏匡人張琬可試國

子四門助教不理選限

勅某習黃岐之論游卿輔之門術業甚精診治多應特徇旧臣之請用推試秩之恩祇服私益勤所學可

光祿卿潘軫遺表男綬可授秘書郎

勅某九卿之子例以試秩起家屬乃父之云亡抗遺章而來上閱其陳力之久宜有卹後之恩擢尔仕途俾延世祿當益思于負荷且无忝于榮名可

兵部員外郎充宝文閣待制知相州傅卞遺表男回次男同可並守將作監主簿令持

服

勅某近著之臣忽傷于徂謝恤終之典宜异于常規屬覽遺章祈尔世祿命權陞于京寺俾不墜于家声祇服優恩勉思負荷可

追官勅停人鄭叔熊可試國子四門助教不理選限

勅某早用近臣之荐擢聯試秩之榮坐法奪官後思自理加素專于術學俾率叙于上庠祇率恩章益思修省可

太常少卿致仕謝樵孫延年可試監主簿
勅某近制尚書外郎謝事得官一子以榮其歸可以
士大夫進退之美也惟乃祖父仕列亞卿解綬引
年祈息福嗣假尔一命慰其晚年往膺試秩之榮益
念克家之訓可

守濮州文學尹霽晦可曹州文學

勅某頃列仕階尋貶吏議廢官流久援需自陳矧已
置于散曾宜稍廷于近郡益思循省以荷甄收可

翰林醫學士守應州金城縣主簿溫杲母梁

氏可特封長壽縣太君

勅某官某母某氏尔子以方技名家禁庭待詔喜有
逮親之祿願移廷秩之恩眷乃高年遂其私欲特疏
榮于湯邑俾增耀于鄉閭膺茲寵光足勸孝養可

都水監節料後蒲士隆可孟州司馬

勅某官某給事上臺歷年流久苦于瀛棊願遂休閒
易以州佐之職俾心家居之佚被茲榮命足慰歸途
可

故知溪洞新遠州單州事思忠利長男洪祐

可依前知溪洞新遠州軍州事

勅某世居邊徼夙邀忠勤屬乃父之云亡當襲官而
繼美爰推恩渥俾守封疆其善撫于裔夷思克承于
門緒欽膺明命益盡丹誠可

溪洞高州四甲巡檢田洪祐弟洪保可承克

官

勅某乃父早著忠勞奄茲淪謝尔之伯氏已廢故封
適廷厥官俾慰遐裔尔其善承世美思撫邊民无忘
循警之勤乃称恩榮之美可

麟州兀羅族子弟屈德可銀酒監武元本族

副軍主

勅某長居邊陲號有才勇承父兄之餘緒為種族之
推光命傳袞于世資俾統綏于北籍通階試秩式示
朝章膺茲渙恩无忘乃事可

蘇魏公文集卷三十二

蘇魏公文集卷三十三

外制

提點陝府西路諸州刑獄公事司封員外郎趙

瞻可祠部郎中

虞部員外郎曾孝寬可比部員外郎

三司度支判官刑部郎中集賢校理王瓘可兵

部員外郎中羣牧判官比部郎中王誨可司

勳郎中

尚書比部郎中馮博雅可如京使惠州刺史

前秘書丞充集英殿校理孫洙等可並白官服

闕

尚書比部郎中范仰之可駕部郎中

駕部員外郎李安道等改官

都官員外郎仇著等改官

國子博士高保衡等改官

西上閤門使李評可東上閤門使

皇兄前右武衛大將軍春州刺史仲虺可白官

服闕

皇侄前右千牛衛將軍令羽可旧官服闕

仁壽郡君張氏可才人

左千牛衛大將軍羅崇可依前官充絳州團練

使

皇城使宜州團練使柳涉可左千牛衛大將軍

宜州團練使

秦國莊孝大長公主遺表長男供備庫副使李

嗣徽可供備庫使

如京副使兼閤門通事舍人王光祖可莊宅副

使依旧閤門通事舍人

西京左藏庫副使程昉可莊宅副使

左藏庫副使鄭維勳等服闋

供備庫副使黃巽刘永清可並西京左藏庫副使

未復旧官供備庫副使張繼凝等復官

文思副使田守則可左驍衛將軍致仕

殿中省尚葯奉御直翰林院蘇惟知可翰林醫

官副使

太子右清道率府率致仕張忠可落致仕依前

官

內殿崇班閤門祇候趙玘可內殿承制依旧閤

門祇候

內殿崇班李舜卿可內殿承制

內殿崇班張敏可左監門衛將軍致仕

大理寺丞張保徽王慎儀等改官

大理評事李德多可光祿寺丞

行大理評事楊耆可衛尉寺丞

奏奉人前閬州錄事參軍霍亨等改官

奉奉人前陝州陝縣尉常景可光祿寺丞奏奉

人晉州趙城縣令安壽可著作佐郎

奏奉人前權淮康軍節度推官試秘書省校書

郎許宗舉等改官

延州甘泉縣令張圃可太子中允致仕

登仕郎守祁州深澤縣令韓孝宜可守河中府

河西縣令

儒林郎行秀州華亭縣尉劉興世可守趙州上

虞縣令

駕部郎中致仕趙宗閔男觀可試秘書省校書

郎

故息州司理參軍王獎男觀可守鄆州須城縣

主簿

故給事中充天夫章閣待制三奉元遺表親遜

王玘可將仕郎試將作監主簿

東頭供奉官王唐卿可內殿崇班

左侍禁趙昇可清道率府副率致仕

應天付進士陳宗望永安軍明法劉堯可益遂
州軍助教

制置三司條例司奏潭州湘陰縣鄉貢進士李

度可將仕郎潭州長史

軍員換諸司使副及承制崇班

軍都指揮使諸班都虞候与除忠佐帶遠郡不

帶遠郡

軍都指揮使諸班都虞候与轉軍分帶遠郡或

已有遠郡

已有遠郡

廂都指揮使與落权正任

廂都指揮使

著官慶州荔源堡左惟憲族孟怡大順城下骨

咩族屈嵬著官慶州柔遠寨柳橋寨屈你可

並元本族副軍主

蘇魏公文集卷三十三

提点陝府西路諸州刑獄公事司封員外郎

趙瞻可祠部郎中

勅承務中臺左曹謂之清要覲風外服在陝當其會
衝唯時通籍之良方重讞刑之寄稽其治課應我陝
書以尔具官某博通古今多識治要早預法官之選
往分郡組之行稔其休声擢以方任案條察吏有能
臣之風閱歲校勞居奉使之最進列氷所之秩益增
星節之華宜勉懋予事為副疇咨于近剡可

虞部員外郎曾孝寬可比部員外郎

勅具官某法古之任臺閣者多用公卿之世以其習熟典章可任以事隨資叙進或仲甄陞以尔士搢清修學術詳敏繼承門法厥問甚休副郎省六職之華結天官四載之課姑循常格擢列近曾惟勉懋于官箴用顯揚于世美可

三司度支判官尚書刑部郎中充集英校理

一王璿可尚書兵部郎中依集英殿校理充

三司度支判官羣牧判官尚書比部郎中

王誨可尚書司勳郎中依前羣牧判官

勅夫考功黜陟之法自有虞以來未之或廢我朝稽古甚公甚明雖戢列臺閣之華任登要近之地必由校課然後設廷以尔具官王璿文敏學優才通用博服勤松繫之業振務計財之繇以尔具官王誨仕富吏資用行循家法稔章如箴之政贊司廐牧之良而皆久次郎臺荐登最格稽其功狀應進上階武部冠于右曹勳書次于大選用畴尔善各俾序陞若其治迹之殊尤材資之美茂則朕所考察不在有司之比往

服休命尔其勉可

尚書比部郎中馮博雅可如京師使惠州刺
史

勅具官某國家設官之制略擬堂規列使之名近對
郎務任者東踐惟才所宜矧兼領于四郡章示優隆
于武爵自非勲戚曷允咨俞以尔早服閨臺夙推器
幹衮相門之餘緒連宗祊之外姻閑覽奏封之陳載
加闕閱之美俾从華省易授內司掌庚京都實超于
資等析符善壤益重于聯班佩服恩褒之華勉奮方

略之上可

前秘書丞充集美屏校理孫洙等可並白官
服闋

勅具官某夫服喪去位人子之私恩也脫哀還朝人
臣之公義也故進退不踰其禮則忠孝可以兩全以
尔任以十能籍在閨省遭罹艰疾甫畢禫除姑狗常
經起仍白著益思所以顯親揚名之效在懋勉于公
家而已可

尚書比部郎中范仰之可駕部郎中

勅具官某審官考課之法以四歲為限南宮廷秩之
等有六行之差旌擢吏勞宜優宥典以尔材資敏茂
治狀詳明為郎有年奏最應格進列右曹之上益光
華省之游欽对明恩更尚遠績可

駕部員外郎李安道等改官

勅具官某等朕命有司考羣吏之治限年而上課隨
資而叙進豈令有定著而恩无汎及允如廷格亦謂
宿官以尔等或仕歷者闡或籍通閭闔出幹衆務入
奉外朝祿最及期稽功斯善增秩一等姑用前規若

乃才譽彰聞績效明白則樞官樞賞豈限常資尔等
勉之副我明陟可

都官員外郎仇著等改官

某其官某等尚書郎九卿丞屬皆外庭美選通籍之
士得以次廷所以辨才能而旌吏闕也以尔等材力
之敏試于治煩操履之修行而寡過分列省寺外更
事勞有司訟年既成積累之效隨茲進秩咸增班爵
之榮祇服思華勉思忠報可

國子博士高保衡等改官

勅具官某吏治有勞法當甄獎天官秩實恩有次廷
爰錄顯庸特推茂渥以尔夙勤士操進引朝闈幹職
不愆奏功斯善錄其四載之課擢以一官之榮益務
遠備丕欽厚獎可

西上閤門使李評可東上閤門使

勅具官某中閤典謁列使橫班陟降屏墀導揚詞命
非素推于詳練固靡副于咨詢以尔世服忠純材資
敏達向擢聯于上閤參掌選于西銓朝廷之儀頗聞
事舉闕閱之課復用最陞特甄累歲之勤就陟東藩
之秩宜益備于遠績期報稱于异恩可

皇兄前右武衛大將軍春州刺史仲虺可向

官服闋

勅具官某三年之喪稱情而立文日月既終哀麻必
釋蓋天下之通誼也尔以室家之秀服閨朝之聯向
罹親憂銜恤在疚既畢禫織之制宜還簪紱之榮欲
忠孝之兩全在始終而一節往祇厥位當体訓言可

皇侄前右千右衛將軍令嗣可向官服闋

勅子之于親也有鞠育之恩碩復之慈三年之喪未

足以報其厚德然聖人稱情而立文不可多竄故天下共之以尔具官某宗室之近支臺閣之顯秩遭罹不幸棄失所天服哀而居倚庐克遵礼式鑽髓而更異火甫畢禫除宜还定著之聯入奉内朝之謂无忘信厚亦謂顯揚可

仁壽郡君張氏可才人

刺嫔婦之列盖掌帥于宮庭才美之名實優隆于位号載加内治之助特厚宮綸之頒某氏体閑淑之令姿稟肅雍之懿範自承承于御叙嘗躡進于恩封而謹戢于中闈願德言之益茂增華近叙介祉祥以尤殊宜加印綬之榮用光勅史之鑒惟靜專所以安完教惟婉約所以副褒章服我訓辞無忘欽率可

左千牛衛大將軍罗崇可依前官立絳州團

練使

勅漢之執金唐之諸衛今雖處于閑秩然犹列于上班或兼方任之权益顯官儀之貴以尔具官某早登勇爵嘗典五符因盡力之尚哀擢禁環而甚宥仍司厚渥足慰暮年尚殫夙夜之心以答始終之答可

皇城使宜州團練使柳涉可左千牛衛大將

軍宜州團練使

勅具官某國家待矣能之士息禮甚厚方其壯歲則任以權劇而責其实效及其衰髦則處之以便安而俾遂乎休養以尔夙負材氣來任班列臨邊有綏禦之效治郡得廉良之祿閱其暮齡宜有優禮特廷環衛之秩仍假州符之榮易事局于清閑示始終之殊遇休茲厚渥姑務燕怡可

秦國莊孝大長公主遣表長官供備庫副使

李嗣徽可供備庫使

勅具官某朕惇睦懿親愴仁姑之早世周旋郵典鑒遺牘之所陳眷言世嗣之遘凶方倚居庠而茹痛特超從于朝叙俾擢正于使名念往撫存宜体國章之厚慎終追遠益思家事之承祇服訓辭勉遵禮式可如京副使兼閤門通事舍人王先祖可莊宅副使兼閤門通事舍人

勅具官某朕擇沉敏才重之臣委以邊略庶幾安輯一道使不生事于疆外而尔先祖寔應茲選蒞事之

始办朕惟勤入奏便朝講畫有素載加榮慮之美特
尔甄陞疇進使聯式優戎路惟尔世服忠義累更寄
任宜益固于遠績斯乃祿于寵章可

西京左藏庫使副程昉可莊宅副使

勅具官某夫服軒墀而列禁衛皆朕所信任之臣也
則迂迂之法推恩固優以尔幹裕謹良擢侍近幄出
護河役訖亦有勞校課滿年功狀應陟躡進使名之
美仍恭拱扈之榮祇欽寵章益念忠報可

左藏庫副使鄭惟勳等服闋

勅具官某早登勇爵列在閤朝俄照親喪甫終祥祭
奉退書而來集還旧次以參榮服右著之懸无忘朕
守展四方之事佇集尔勞可

供備庫副使黃巽刘永清可並西京左藏庫
副使

勅具官某列局京都分處衆務益置使介以擢群林
令兹无蒞職之煩抑亦有限年之選向非能祿不有
次迂以尔通籍右閤服勞玉事出入著幹庶之效歲
月成累久之勤結課荐周進官有等欽膺褒顯之渥

益念公忠之誠可

未復旧官供備庫副使張繼凝等復官

勅具官某尔向以武材擢在边徼共于禦寇用是擢官屬需息之溥加閔公坐之滋久稍廷秩次進列通班五欽甄叙之是無怠忠勞之報可

文思副使田守則可左驍衛將軍致仕

勅具官某仕優而賦祿年至而謝事古今之通義也以尔才力素称擢在班列更歷中外頗亦有勞自言且哀願还所職既許之退宜優以是躡廷環衛之資

使為鄉服之寇往祇榮渥益保暮齡可

殿中省尚葯奉御直翰林院蘇惟和可翰林

医官副使

勅具官某周礼醫師有稽功賦祿之等本朝官制有置使立貳之科既彰厥能宜進之職以尔通上池之技聯中省之班典領累年診治有効擢進内司之介用旌久次之勞益念精專乃副息陟可

太子右清道率府率致仕張忠可落致仕依

前官

勅具官某七十致仕大夫之礼也豈謂夫武力之士
哉尔以才勇聞所至可紀引年當去大臣為言都城
方籍于繕完祿秩固宜于優暇特还儲率之秩俾幹
甸司之煩往服殊恩尚勗乃力可

內殿崇班閤門祇候趙玘可內殿承制白依
閤門祇候

勅具官某夫入贊上閤出乘塞垣皆 爵之美選也
尔以殿著之秩兼領其任自非才資之敏曷膺朕秩
之優屬上年勤載嘉治狀姑徇班級之次稍進官職

之崇尚綴近塗益思遠業可

內殿崇班李舜卿可內殿承制

勅具官某尔等通班內著之職祇事平陽之館追惟
懿主奄謝朝辰遺表上聞言尔勗力宜特升于朝秩
俾仍幹于邑司祇膺優異之恩無怠始終之效可

內殿崇班張敏可左監門衛將軍致仕

勅具官某服武弁者以筋力為尚而尔之齒髦矣豈
徒奔走之役閔其久勞宜有安處俾易環衛之秩归
為里衍之榮祇欽茂恩益自休養可

大理寺丞張保微王慎儀等改官

勅具官某尔以名家子擢在京司能臨世風不廢官
守荐者称其幹裕攸司上千年庸法有次迁班陞一
等往服朝綸之寵茲恩門太上之水可

大理寺評事李德亨可光祿寺丞

勅具官某考課之法豈可以待俊異之倫然官久而
不迁則能者何功以尔文雅修潔善承世風仕于司
蔚有美祿姑用四載之陟稍進一官之榮益懋廷圖
以光慶閭可

行大理評事楊者可衛州尉寺丞

勅具官某尔延賞入官坐曾試吏能弗懈于玉事既
積稔于歲勞上課應條攸司言狀叙迁之典獎勵在
焉斯漸履于榮階益服勤于治効可

行前知涪州樂溫縣事鍾浚可秘書省著作

佐郎

勅具官某老課之法不行久矣吏之能否何以甄明
前詔有司復修旧典而尔之治状實應新書迁佐祕
郎俾借榮路唯尔詞科之秀歷仕有年膺茲渥恩必

能勉懋以副朝廷責實之意也可

奏奉人前閩州錄事叅軍霍亨等改官

勅具官某夫仕于州郡既耘幹廉之稱校于銓衡復成積累之課不有恩獎曷甄吏勤以尔士操甚修官闕無曠从外臺之慰荐副便坐之收歆權聯京司俾漸榮路所宜欽率以服冠光可

奏舉人前權知建州節度推官孫宇等改官

勅具官某夫甄擇才能莫若親詳試之效考譽言行莫若責保任之人由此而陞得士為衆以尔歷官州

縣而既有年矣實銓衡感應前格因唱名于便坐命遷秩于京司欽承渙恩勉盡勤恪可

奏舉人前陝州陝縣尉常景可光祿寺丞秦

奔人前晉州趙城縣令安壽縣可著作佐

郎

勅具官某等郎內閣丞蘭臺遷佐皆京司之美官也由選部而陞者非詞學之科与公卿之世不得与焉以尔等仕于縣邑或令或尉皆有善狀祿于知已中銓考實便坐推恩若用尔資進增厥秩既蒙獎擢之

命宜尽公忠之心可

奏奉人前權淮康軍節度推官試秘書省校

書郎許宗可奔等改官

勅具官某等九卿之屬皆美官也秘書以待文雅之士大理以進詳明之才由銓管而叙廷蓋榮途之階漸以尔等或詞中科級或仕起世資久以州縣之勞繼有知己之荐引对便坐擢聯上臺仍俾長民益思善俗可

延州甘泉縣令張國可太子中允致仕

勅具官某今之任于銓選而不虧廉守者其告歸也則以朝籍寵之所以加夫士操也以尔文中科廷官為長民前及始哀之期乃怀知止之尚陞秩儲禁增美鄉閭服我褒優之恩慰尔冲退之志可

登仕郎守忻州深澤縣令韓孝宜可守河中

府河西縣令

勅具官某捕盜之格庶賞尤嚴緝盜閭里良籍幹畫尔頃尉畿甸能勤厥官攘寇就擒功最應令擢以大邑寵其前勞宜善撫于羣元恩益益于後效可

儒林郎行秀州華亭縣尉謝安世可守越州

上虞縣令

勅具官某前除盜賊肅清里閭尉事也尔随牒遠方
能勤厥職剽聚之党一舉而擒錄其前勞易以邑令
勉收撫字之最式旌甄收之恩可

駕部郎中致仕趙宗閔男親可試秘書省校

書郎

勅具官某男某士大夫年至致其職事于上於是
有賞延之澤以及其子孫古今之所同也尔父任歷省

郎引年得謝俾官一子以寃其歸尔勉承之無替厥
服可

故息州司理叅軍王獎男觀可守鄆州須城

縣主簿

勅某男某尔父頃據清河没于城守當推郵典以及
其家而尔方稚年未任仕格速茲有立可以入官因
命奔于前恩俾勾稽于便邑所宜竭力以充厥宗可
故給事中充天章閣待制王奉元遺表親孫

王朴可將仕郎試將作監主簿

勅某朕念彼帥臣奄違于明代恤其家事特厚于恩
編尔實裔孫早聞義訓特推試秩之命俾逮元之宗
榮善守世風死忘學古可

東頭供奉官王唐卿可內殿崇班

勅具官某任无文武之异而以登朝為貴况通班殿
著是日華選以尔策名右列從事有年校其勤勞材
方可見稽于令格廷擢似宜進聯廷籍之榮宋謹官
箴之畏可

右侍禁趙昇可清道率府副率致仕

勅具官某尔以孝勇自奮擢寘任聯体力未衰遽辞
祿秩唯其知退之果宜有優廷之恩儲率榮資鄉閭
歸供膺茲褒渥遂尔素懷可

應天府進士陳宗望永寧軍明法刘堯可並

逐州軍助教

勅某今夫布衣韋帶之士挾藝文而進場屋至老而
無所成名是亦可矜矣屬逢三歲之春特推一命之
恩用慰晚年足劝孝者可

制置三司條例司奏潭州湘陰縣鄉貢進士

李度可將任郎潭州長史

勅某朕念夫服田疇之民多水旱之患嘗詔執事功人興功尔為鄉儒有志于是倡率閭里繕完隄防卒化汙萊遂為膏壤覽使者之言狀命卿佐以起家祇服殊恩更思來效可

軍員換諸司使副及承制崇班

勅某人等夫入奉宿衛出為廷臣蓋勇爵之甚高實公朝之慎選尔等擢于武旅号有才謀亦既程其器能是用陞于仕綴復服褒華之渥當怀奮勵之誠往

圖後勳毋怠素志可

軍都指揮使諸班都虞候与徐忠佐帶遙郡不帶遙郡

勅某人等軍師之長是皆才武之倫進退之間固有甄優之比第其次功需以宠章尔等典領和門周旋歲序宜易興行之領往泰軒陞之聯尚体息榮無忘忠盡可

軍都指揮使諸班都虞候與轉軍分帶遙郡或已有遙郡

勅某人等師旅命帥所以壯營衛之嚴班爵有差所以示功庸之功唯其廷次是日寇勳尔等咸負壯勩久宣忠力才勞並茂賞擢兼優進加等級之榮無替夙宵之效可

廂都指揮使与落权正任

勅某人等夫武力之士内則為王之爪牙外則當國之藩衛品序進之唯旧亦校勞而後廷尔等早以拳勇之名拱于拱扈之列備彰器幹善戢軍和積于歲勳應我勳勳或進兵圍之貴或分使竹之权亦謂殊



榮勿忘報称可

廂都指揮使

勅某人等夫立于三軍之中使士卒服習必自拊循之有素然後部勒之得宜用次以廷抑惟向典尔等在事累久服勞可加式求壯籍之良通進連營之領往膺茂渥无怠後勳可

蕃官慶州荔原堡左惟憲族孟怡大順城下

骨咩族屈鬼蕃官慶州柔遠寨柳橋寨屈
作可並元本族副軍主

勅其官某生長辺陲服習風化裔倍推其拳勇帥路
稱其材資宜推柔遠之恩擢視通班之列仍加軍領

二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

蘇魏公文集卷三十三

光緒戊子湖州陸
心源捐送國子監
之書匯臚南學

